

江
西
詩
徵

江西詩微卷六十八

南城曾燠賓谷編輯

國朝

謝文洊

文洊字秋水號約齋南豐人明諸生幼通釋典復
習陽明學後悟其失遂宗程朱講學於程山與星
子之髻山七隱寧都之易堂九子稱江右三山卒
後弟子私謚明學有學庸切已錄程山問答諸書
花朝偕諸子琴臺玩月

琴臺月高高況值花朝夕堂空納四遠煙樹幽光積一顧
一奇曠浩歌響山石歌罷問獨孤絃聲幾時寂似聞一再

鼓隱隱山阿側此月曾照君此地未嘗易讀君憂患詩愛
國見胸膈今夕感同游行行重惻惻

元日夜坐

生年四十餘所閱亦已悉險夷並冷煖况味殊不一默思
少壯時自許頗挺出忽忽遂至今回首難自詰忍視黎元
災憂患比同室終抱懦夫慚未能拚一擲濩落寄荒園饑
寒守舊帙竹柏共嚴枯飄蕭猶暮色愁來上西樓搔首汀
烟白

憶漱竹弟

行旅山村斷荆榛客路辛關河今夜月吳楚一孤身尊酒
他鄉夕繁霜野店晨眠餐知穩否近怪夢來頻

邵睿明

睿明字先士南豐人明諸生與謝文游講學程山不欲自立門戶因號宏齋先後受業者百餘人

遊了溪

有序

槌齋子之初歸了溪也在乙酉子時居威山槌齋每問子輒寄了溪詩道居山之樂予讀其詩嘗作了溪夢後了溪頻寇警槌齋間居城其再歸了溪也在己丑其三歸了溪也在丙申而予之遊了溪也亦在丙申槌齋攜余歷古蹟一一指其處則槌齋所寄之詩與予向日之夢其境不甚遠信山水有緣也嗟乎豈特山水哉同其遊者謝約齋先生

與君校藝日止隔一孤城少年有殊契晨夕相經營奈何
鬢髮變忍涕各分行予有威山役君發了溪程中間越百
里往往以夢徵了溪君桑梓先人爲披荆高原茶如館君
詩時一賡讀詩供卧遊十載抱孤情今日拜君廬夢與詩
交形山色當南牖溪聲接草楹繡衣古遺直冠裳儼先型
聞君雙槐裔野草碧一亭天半寄丹巖孤山絃誦聲師承
系絕學軸園註遺經稚子肅拱拜素友其虛庭昏風彌六
宇心遠氣自清方塘委落葉共此松筠盟

甘京

京字健齋南豐人原名鵬舉字上卿明諸生後棄
舉業從謝文游講學人稱其以隱爲仕著有軸園

不焚集

魏和公吾廬詩

翠微拔地數千尺水閣峻嶒鑿山石季子結廬據石顛萬壑千峯列几席有時雙手摩青天問天何處名虞淵南之瓊海北燕市空走人間萬餘里歸來築室曰吾廬丈夫邱壑豈得已

舟中遇任道援云凝叔已過此赴黎川矣悵然有作兼懷遠遊諸子

逢人岸北臨開棹傳子前宵已過車契濶不能謀信宿壯懷如此作馳驅江天風雨孤蓬暗道路兵戈野店虛異縣往來成阻隔天涯消息更何如

采石

問是上游形勝地石磯橫截與江分危松影動魚龍窟敗
葦風吹雁鶩羣宋室連營傳太傅常家奮武出將軍江南
昨日何曾戰砲火空臺築水漬

庚子立春城中僑居

攜家聊復住城西烽火連宵尚鼓鼙秋稅未完因寇避春
聯可賣爲人題閒看客院竹千個夢繞花村雨一犁投老
深山真命薄冥鴻何處覓安栖

康山

羣雄爭一戰天與定乾坤帝業人何在忠臣廟尚存青烟
勤伏臘碧浪湧朝昏獨有槐根古當年沐聖恩

甘表

表字中素南豐人京子少從父遊程山易堂間李振裕甘國樞交薦不就遂返了溪不復出著有膜堂存稿逸民傳

從易堂諸先生自蓮花峯遊白雲巖

登臨隨地遠擇杖躡遊蹤怪石開幽徑涼風納晚鐘秋隨黃葉下人與白雲逢煙雨迷歸路蓮花第幾峯

彭任

任字中叔寧都人明諸生精武藝工書潛心理學與邱維屏曾曰都結廬巖山名所居曰一草亭終身不他適

贈南豐趙孝子

天地貴庸行有時驚異聞豈殊膚髮愛無間肺肝眞寸草
難爲日衰萱好駐春果然能療疾藥石倍傷神

涂斯皇

斯皇字宜振號澹庵新城人明諸生後棄舉業結
廬孔坊往來程山易堂間嘗與魏禧合刻史論著
有花舫雜詠

聽竹庵

脩簞搖翠影小築迴清幽蟲語團庭綠蟬聲帶水秋寒雲
依石澗獨樹表荒邱坐卧欲忘返蕭然何所求
徐仲光先生至或見之日者肆過訪不值

我思李鄴侯衡峯寄高躅復羨賀季真歸老鑄湖曲仙骨
被霞裳邁年粲紫玉二公處中朝不爲名利束卓犖徐先
生天衢騁驥足茂齡脫塵網傀儡視世局寧謂宦情淡良
由忠懷篤姑山何神秀高隱終南續夜起星參橫少微正
爛燭我欲從之遊邈然絕攀躅

邱惟屏

惟屏字邦士寧都人所居宅有古松因號松下先
生後隱翠微峯與易堂諸子講學尤精易理著有
周易勦說

呈秋水先生

微生任聊且口耳延薄譽先哲空遺言流覽似有據反顧

平生行荒漫恨多悞嗜欲幸不深澹泊適所遇所以甘蠶
衰向人不得語矢口恣逞臆終言未覺遠譬彼候蟲鳴聲
應非暇豫揆予以中情語默俱失趣好我洵足欺遂謂遠
俗慮夫子如春溫淑穆殆其庶感此不遠心難復事拚著
猥許近道資豈不懷羞懼

贈南豐張曲江明府

張公曲江好男子見聞裂紀千條紙秦邊燕市四十年南
豐一載徒戲耳手拋雙文篆與人吳鉤獨看思紛紛相逢
但是五陵子且與遊獵江南春君不見南人水嬉張連弩
潮生月白起擊鼓何須定住南山邊射得大魚如射虎

份字質人南豐人布衣尚氣節有經濟才以逋稅
繫獄者九年後從易堂諸子遊終身不樂仕進著
有懷葛堂集

送友人還吳

帝京春萬樹先遣柳條青君向吳山去花飛滿洞庭紅塵
南北路芳草短長亭望裏征輶遠愁心極杳冥

張自烈

自烈字爾公號芑山宜春人博物洽聞晚居廬山
累徵不出卒塋白鹿洞南康太守廖文英題其碑
曰清處士張芑山墓著有古今文辨正字通諸書

懷夏彝仲

今日何所思思君君已去不恨道路長恨君別我遽
假寐忽逢君蒼黃與君語未知君夢中相逢竟何許

酌巖子岸

我從山陰來不見幽人廬與子長相思遺我夢中書書辭
四五行情好與之俱爲歎白頭人古道何榛蕪

南譙暮春卽事

數年襖被住他鄉又見流光過短牆草睡不思春老大
睡草見之則令人睡見述異志花飛渾似客踈狂白雲過眼愁千里青史
隨身影半牀人事淒涼腸欲斷歌成何處濯滄浪

毛乾乾

乾乾字用九原名惕字慎若德化人學成不求聞

達精樂律尤工推步之法宣城梅鼎祚推重之

歸白洪州移菊贈匡山諸友

客歸何所有奚囊飽載菊持贈素心人結契在空谷我愛菊情閒不共春華逐莫言終隱淪幽香出簾幙

陳上善

上善字元水蘇州人僑居南昌之東湖博學好古以詩名海內遭亂家破窮老以終著有山居詩適餘堂集

過朱退翁師山中

本以歡相見翻然一愴神青山病居士白髮老宗臣今昔風光異師生涕淚頻茅庵亂雲裏疑立雪中身

移居詩

一水環三面波光美野天行人過樹裏釣艇落窓前坐愛
烟霞晚能娛草木年登樓何必賦吾覺酒盃賢

榆墩曾我住遙對景逾新林氣兼雲亂書聲隔水眞殘花
窺宿客落日見漁人誰信重城裏居然自隱淪

蒔溪訪劉巨平

野服詩山屐齒勞歸來贏得卧遊高草堂似在柴桑里主
是遺民客是陶

來鳳亭

爲尋亭子好采鷁放江天高會當春服清尊敞夜筵橘香
都著露山暝不勝烟最是憐明月飛來照客圓

吳學炯

學炯字星若南城人廣搜博覽潛心古學選本
朝百名家詩著有秋雨堂集

春遊佟漚白中丞僻園次宋荔裳觀察韻

探幽頻問路爲我指江干客至門初啟花陰露未乾
蘭清堪作友松古亦宜官欲寫園林勝詩成興不關
轉向長亭上簫聲小院西燕飛花裏濕鶯度柳邊迷
一徑依池曲千峯入戶齊山川鳴得意琴酒亦堪攜

欲成今古業養晦一江間日暖山嵐翠春晴草色斑
林深藏鳥雀池澗隱魴鰈遙指天高處飛雲帶鶴還

踏破蒼苔路相看綠滿園橋亭圍幾樹巖壑抱孤村
禮爲

知交設詩因我輩存徘徊情未已夕照返前墩
不待中丞約花間愛客來橋灣春水合徑曲曙雲開綠野
陶真性青山養大才忘憂知未可萱草莫頻栽

酒設花棚下山厨次第營遠山雲裏暗芳草日邊明密塢
留春色飛濤作雨聲先生能醉客歌管屢相更

花香羣蝶醉水靜數鷗眠村樹時堪畫隣鐘別有禪衣冠
分座立琴劍一堂懸欲領江干趣穿籬再覓綠

縱談頗不倦圖史積雲床杯竿皆殊製盤餐出異鄉山光
生晚霧帘影弄斜陽忽覺春寒至微風入鷓鴣

金閨夜泊

沉沉暮色客停橈徙倚無人話寂寥風定鐘聲來北寺月

移河影度西橋高樓笛起三更酒淺渚舟歸一夜潮吳越
興亡成一夢青燐野戍自深宵

延津送任東頑之溫陵

草草相逢碧水隈正當孤艇九峯開心關天地留詩卷志
在河山問酒杯劍氣尚凌雙峽水笛聲遙寄一江梅溫陵
自有知音者好把經綸仔細裁

客武林夜集林兆經齋頭同魏惟度葉子雨分得眞
字

天涯意氣許誰眞此夜談心浣舊塵縱酒薄霜侵燭影敲
詩寒月落花茵行藏莫計虛存舌治亂難憑愧有身聚散
故人須盡醉滄桑幾見雪梅新

劉丁

丁字先庚新建人明諸生著有歷代典畧正學粹言及惺嵐逸草

金蓮寺

秋氣空山淨尋幽入翠微斷隄荒草合古塔白雲飛客去茶留竈僧歸竹掩扉坐來成小偈花雨忽霑衣

八大山人

山人明宗室弱冠爲諸生名奪後隱姓名自署曰驢已尋遁進賢山中爲僧號雪箇更號八大山人後復歸於儒工書畫作畫名流爭禮之

七夕

但兒上弦月無有下弦時只今顰與笑信得兩峨眉

荷花

東畔荷花高出頭西家荷葉比輕舟妾心如葉花如貌怪
底銀河不肯流

崔緝

緝字縫宰號木齋南豐人性剛果爲文有奇氣順
治初以遺逸薦不就著有木齋存橐

弔王進詩

進鄰邑太宰蒼頭也性剛決不苟取喜扶植孤弱
大璫用事太宰欲往援進沮之不聽因請行中途
焚書弃幣不果通歲餘璫敗太宰以大用朔改進

掖太宰走被獲跪伏求生進曰公受國恩富貴已
極且公年高死卽死奈何乞憐耶因放聲大哭主
者怒支解之而太宰亦竟以追餉掠死

酌子酒挹子漿撮土一拜摧肝腸泰山壤培塿匡今我不
述後茫茫嗟爾泰山不可忘身死猶蔽培塿光

張澄

澄字鑑水新昌人順治中鄉貢積學精易理著有
易經發蒙及樂志軒詩文集

登雲峯山寺

問是雲間第幾峯叢林疑渡虎溪東禪機不用拈花說只
在蕭疎竹影中

周白

白字公愚新建人順治中歲貢著有滁江草

鐵鹿坪

在赤岸鄉曾有異人瘞鐵鹿于此

霧館煙扉聳赤城春深喚醒舊流鶯相傳古有驂鸞跡只
少碑同瘞鶴名鐵鑄胚胎金是母丹留點染土如嬰麋曾
揮處應還到十二樓吹子晉笙

盧全耀

全耀字仲熙武寧人順治中歲貢

歸楊田

秋風落葉萬山空歲歲飄零客夢中故里尚留茅屋在不

妨人笑白頭翁

楊以獻

以獻字惟明瑞金人順治中諸生工書畫篆刻著
有汲亭詩文集

束松寶

地緣人益秀松寶爲君深以此通山性應知出世心晚孤
連月汲寒磬入雲沈高致誰能悉悠悠望遠岑

稻香園雜詠

花草沿籬綠一灣方塘晴影見雲還偶然割得青螺色自
寫門前十里山

圖書翻罷自縱橫好友連床夢不成夜靜水田流宿雨都

來枕上作溪聲

曾昌灘

貢水循源入幽奇近鬼工灘名多獸族峽路想蠶叢終古
波翻雪長年夜叫風況當秋瀨落羣石盡玲瓏

孤舟穿亂石曲折旅魂驚浪自何年怒峯遮此地晴未能
忘險阻終恐負生平白日又將暮寥寥天宇清

晏惟旭

惟旭字升如新喻人順治中諸生高才不遇以晏
北山自比因號開園著有開園詩集

題南泉寺壁

爲厭塵囂雜偶來禪院居維摩方丈地揚子半牀書水淡

情偏久松青韻不疎殷勤無別意留句未忘初

和橫溪傅潤菴韻

古剎臨溪上僧家別有天談經窺怪石說偈響清泉倒影樓臺潤搖空草樹妍夜來觀水月跏坐好安禪

竹雲居自況

幽栖地僻少相親蘿薜當門日幾巡骨傲自來難近俗才疎從此懶祛貧松筠不語誰知己花鳥多情是比隣應有白雲能識我十年前悔住紅塵

涂酉

酉字子山新城人志操峻潔絕意仕進遊蹤徧南北與王于一稱莫逆交著有空青集隅軒近稿

寓涉園

避喧息人事，習靜宜林園。始衰力漸弱，嚴冬喜負暄。而南氣微和，開窗延朝暾。怡然遂竟日，讀書乃忘筮。興至輒短吟，寫懷無擇言。新來雙白鶴，對之想高鶩。

涂大酉

大酉字次山南昌人

雜詩

飛鴻遲遲來，掉入青烟路。遺音落風中，適與歌聲遇。初曲相和鳴，終曲託心素。幽期竟何如，萬古此朝暮。

汪洙

洙字玉生浮梁人

懷鄭繼之

爲念蕭騷客路難與君相慰各加餐
豪於筆墨名偏著老在鬚眉興未闌
莫訝窮途偏困阮須知萬戶不欺韓
殷勤重惜南樓月今昔清輝一樣看

蔡景定

景定字靜子新建人

訪史白也

盡日對梅花城西處士家
抗談前古事酌酒夕陽斜
天地青春生蜀錦綠酒賒
明朝還約過未忍各天涯

詞苑

贈字天則吉水人

罷釣

八十滄浪一老翁
蘆花江水碧連空
何人共話興亡事
暮月明收釣筒

劉元釗

元釗字遠公南昌人一燬孫後流寓燕湖

送堦歸和留別韻

才名到處有逢迎
老我飄搖得締盟
灑酒殷勤傳別賦
似裝徙倚動歸情
岸梅欲放人同遠
江雪初消夢亦清
舉目河山空悵望
難銷詠史扣舷聲

王孫茂

孫茂字漢皋南昌人猷定子著有龍眠遊草蜀道

集

夔門書懷兼寄成都堵羽三

憶余入蜀時桃花放江成今來檉柳凋青霜變崖路日月
曾幾何山川條非故游子戚不怡踟躕中道顧好鳥潛幽
林文魚暢淵聚物性遂所欣吾生獨如鶩巖谷寂無聲寒
猿夜來呼蚤發伺明星邁征廢朝晡魚龍鼓浪來鐵石窘
其步志激成崩雷砰訇殷蓬戶舟子觸風濤歆帆赴奔柱
感此意悽惻徘徊發長吁明目下巴渝漸見荆門樹巫峽
氣蕭森丹楓足幽趣言念素心人蒼茫阻雲霧願貽雙鯉
魚艱難慎行路

白帝城懷古

岩髯白帝削雲根萬壑交流一縷存客至亂山啣落日而
昏深谷補殘村遠帆似箭飛籬峽哀狖如人嘯石門此地
幾成王霸業江聲猶作怒猊奔

賀蘭山

瑟瑟山色儼龍蟠馬倦長途見賀蘭地界要荒分鎖鑰天
從沙漠起峯巒烟消河曲羌歌出日落風頭塞草寒自古
防秋連鳥道瓊枝今喜遍巔峴

勞巨能入山卽事

歲晏霜雪盛空山人跡稀堦前響風籜瘦日寒無輝有客
扣松關賞此林壑奇不憚褰裳勞足徵靜者宜挑燈酌苦
茗展卷聊支頤月色照窗戶似與幽人期穰穰城市囂寂

江表詩集 卷六十八
寂多情機惜君明日去獨看烟霞飛

陳以達

以達南昌人宗虞子

西山夜雨

獨坐西山裏元冥入夜傾濕雲搖竹影高瀑雜鐘聲屋小
茅偏厚堦空竹自橫倦眠清夢醒晨起看池平

張潛

潛字仔昭號果園南昌人

過寇瑤集山村

潯水環城遠山橋礙石斜片帆懸夕照一鳥立晴沙游客
投蘿徑居人隔葦花只緣風味古疑是戴公家

野圃秋光滿村樓曙色一分林銜出海日山吐隔江雲衆木
森秋氣孤桐剩斷文天風動泉壑紅葉下紛紛

哭費燕峯夫子

卜宅東陵上飄然作隱淪霜毫徵逸事黃髮見遺民風雨
孤村夜鶯花故國春傷心淮水側千古未歸人

和趙念昔環莊詩

踏遍寰區恨莫容衡門歸老日高春自搔黃髮惟餐菊無
復青山可夢松梅福休官甘作役管寧避世信爲農故人
若問桃源路祇隔君山八九重

憶江梅

千樹迢遙何日攀一枝空放秣陵山多情最有春宵月偷

向江頭照玉顏

長干小圃舊繁華留得殘香伴酒家
宮女春魂都化盡可憐辜負隔牆花

烟輕日嫩影參差隔岸風光繫客思
天若不教何遜老春來長賦耐霜枝

劉雲鋒

雲鋒字秋冶南昌人著有梧邱雜詠

長夜感懷和吳湛若韻

潦倒年來客楚邦羞將短髮對明缸
閒挑筆墨驚詩敵旋築糟邱受酒降
入夜雨聲衝急雁隔牆人語吠寒龍
幾回夢破愁無寐怕聽顛風打竹窻

山居

青山橫古榻倚枕日高春
壑小龍藏蛻林深鹿養茸
分餐資夜紡罷杵饁朝饗
一畝蕭蕭屋垂楊覆短墻

張異卿

異卿字以同興國人著有黃嶽草

和龔修菴季春日遊青山不果途中返棹

青山遙在望錦纜日遲遲
行行剡溪路明月長相隨
山水逢春媚巖巒入夜奇
蘭亭三月事惟許謝公知

大仁寺

荒顏古寺背江天
老衲相逢話昔年
翠竹徑行人並綠
寒梅香破鶴應憐
松風冷沁陶宏景
潭月空隨賈浪仙
自是

近山添道意白雲歸盡獨高眠

陳舜

舜字畊夫新城人著有金陵草

舟中不寐

月亦知離恨三更照客明
水流侵夢短蛩語入秋清
心欲同灰死愁偏逐草生
南來無一雁悽絕此時情

宿上方寺

山僧真許做王公
身外無關天地空
詩句閒拈勞摸索
酒杯偶引醉丁東
窗涵夜月冰生白
爐撥寒灰火燼紅
塵網自然能擺脫
何須高枕聽松風

傅涵

涵字聖涯臨川人著有新橋集

由維揚之姑蘇道中晚晴

南國春無際東風暝漸生屋多籠雨亂山遠積雲平水驛垂楊暗村巷細草明橋聲催落照偏動故鄉情

蔡 受

受字白采寧都人

坐靜齋寓中有感

書城原是一愁城到處蕭條夢亦清看奕不妨身局外畫山銷過日浮生人中肝膽何曾見鏡裏須眉漫有情近覺學仙終要骨妬他王子解吹笙

東湖竹枝詞

已過江南櫻筍天
鯽魚上市雨如烟
兩間破屋澹臺墓
游女來施香紙錢

侶鷗閣上看西山
白髮尚書去不還
何似榆溪徐處士
扁舟來往水雲間

陳瓊仙

瓊仙字蕊宮臨川人

雨後過方雪嶠郭升岸旅寓適升岸南行留示雪嶠
草屋泥封半蘚痕
幽人研北據黃昏
螺峯客去初逢雨
藥市人稀早閉門
詩律老來苛殿最
友朋世外畧寒溫
相過擬訂秋林約
剩有丹黃未了村

虞城范動吉氏叔招飲話舊因出其司馬公疏草相

示中有屬先大人手筆者感賦

邊城功罪著絲綸三載危疆歷苦辛閭外金錢猶召謗胸
中兵甲不防身功名寂寞關時代疏草淪亡委劫塵簡點
尚餘先子筆吞聲讀罷一沾巾

馬 驤

驤字魯野進賢人

贈樊書山

咄哉千里馬一飽粟一石廼與駑駘俱庸衆不能識伯樂
忽顧盼朱鬣生殊色閨臣相與言驍悍非疇昔被以白玉
鞍加以黃金勒檻下悲鳴時良去賁雄特以茲發深感每
爲樊生惜願空冀北羣庶幾謝鶴匹傷心復傷心道路多

江西詩徵

卷六十八

國朝四

九

荊棘

秋懷

林麓朝如拭秋深獨掩扉萬山隨霧失一雁入雲飛
蘄北幾爲客江南猶未歸西風正蕭颯愁絕典寒衣

曉發

碧落星如月行行路不迷絕無秋雁至只有夜猿啼
織女前村火農家隔岸雞板橋霜欲盡回首曉雲低

李天爵

天爵字二允號鬚麓吉水人

問藏雲寺路

翠屏何處路回指嶺頭分
樹老零丹葉山禎剩白雲
烟深

泉不見松靜磬初聞到寺僧纔出幽尋過日隲

過板子磯弔古

當年曾此陣雲屯草木猶棲舊日魂逝水無情江燕去空
遺明月照黃昏

太白祠

未必甘心此其如境遇何名流不得意是處且悲歌遠水
碧無際靈山青不磨高風連畢謝酣詠藉同過

齊思亮

思亮字玳卿一字元老南昌人

同湯祿升爾共金禹長吳禹言呂臣素湖泛

大火西流白日寒幽人載酒水雲寬清絃不惜鄰舟聽翠

袖應羞老眼看一片江聲菱葉渚十分秋色蓼花灘畫船
撐過疎林畔點筆分明在石欄

趙島

島字浪仙號雪餘南昌人

桃源圖

爲有仙源在人人說避秦閉門高枕日酌酒萬山春點綴
勞君手棲遲借我身桃花隨處是漁者自迷津

和陳涉江侍御尋梅韻

殘流鳴咽板橋橫負杖歸來帶月行家近寒塘籬犬吠山
圍破寺野狐鳴老甘遺世心原淡冷不宜人夢亦清二十
四番風壓斷杜陵閒客最關情

曾必光

必光字一南金溪人

同魏山公游符采閣次韻

野航人恰受看竹夕陽時古木留僧住秋聲與客期石爭灘水急帆帶嶺雲移不盡登臨興江風吹別離

山林

古木離離澹夕烟幽窻時檢白雲篇更無人過茅簷外一片秋聲響竹泉

黎維翰

維翰字大宗臨川人

述古

兀坐只書空牀頭吼朔風詩能通客况文不送人窮斜月
移窻白孤燈向壁紅此中方寸在莫遣逐飛蓬

唐佐

佐字五達號致中南昌人

九日有懷

落葉欲驚鴉疎籬覆野花人行千嶂霧雁寫一天霞登閣
懷王粲持螯憶孟嘉微霜侵薄袂秋水亂蒹葭

饒宇朴

宇朴字蔚宗進賢人

漢口夜泊

蕭蕭孤棹客裝輕乘興維舟漢水明地遠高樓多夜色江

空細浪亦久聲平鋪縠影鳬鷗集亂織烟光舴艋橫把酒
總添鄉思切春風回首灌嬰城

楊嗣漢

嗣漢字部山安福人

張南邨先生自天津解纜南歸行之前一夕燈下同
賦時余亦有都門之行

小住津門一夜秋渾忘執手送君遊酒杯不異青山路詩
卷常存北海樓冷鶴一聲人欲別雪鴻千里夢長留此
細數江天樹駒隙休嗟似水流

樂 渢

渢字塊然東鄉人官內閣典籍

西樵晚泊

聞說西樵隱千秋去不還偶停今夜棹同看舊時山鳥宿
仙霞老花開佛界閒金丹休問世一醉卽朱顏

碧雲寺

樹老能成佛山空但養雲長歌人不見麋鹿自爲羣

白鹿岩

鹿岩字天經南昌人

秋雲

聚散原無定浮沈亦渺茫晴空天與白秋老地多黃列岫
淇濛遠微波激澗長卷懷隨意好不識有他鄉

俞全易

全易字可歇南昌人

再登焦山

十載重經此猶然礪壑存山空僧話寂樹密鳥聲繁風定
雲依石潮生月到門欲歸尋舊渡江閣已黃昏

符夢駒

夢駒字龍友新建人

寄懷襟丈鄒德子

老我烟霞百不宜醉來窗下檢殘詩青雲久謝人情淡白
髮應甘世事遺縛竹好容花徑掃種松頻向草堂移故園
兒女長相念何日輕帆過水湄

周京

京字建侯峽江人

登望湖亭

昨離南浦驛今上望湖亭野水連天白遙峯帶雨青去惡
三尺劍坐守一編經北道誰爲主名山自有靈

李得梁

得梁字湘橋號參雲會昌人

秋夜自維揚泛舟回署

放舟秋水夜螢火亂清波斷岸老漁立遙天新雁過樹深
烟氣薄江澗月明多何處吹簫侶聲聲譜怨歌

過武平晤宋明府

朱霞天半吐氤氲雨氣蒸成岱岳雲千部農歌花外唱七

絳秋水月中聞照人冰玉清如許醉我金尊意更殷青史
那堪無俊傑向來投筆有參軍

李開熙

開熙號穀原廬陵人

秋山

幾片丹楓落照寒一行征雁過層巒蛾眉淡淡雲中出螺
髻青青雨後看遠掛輕烟連樹杪倒移歸鳥下江干千尋
瀑布懸銀漢指點西風入畫闌

賴方勃

方勃字維牧號牧庵會昌人

送仲弟晉公游浙江

好掛雲帆去春江望正寬交遊毋孟浪世路總艱難風日
情殊壯山河淚莫彈依依堂北意我爲勸加餐

胡習悅

習悅字巖肖會昌人

懷鄉

非關輕故土離離卜斯居榻伴孤燈影囊攜半卷書
憐思煮字裁素憶烹魚極目還家路寒雲覆敝廬

落木驚秋至營歸計未成無書憑雁足有夢接雞聲月映
旌旗色風傳鼓角聲鄉愁何所托展轉旅魂驚

王 驤

驤安福人

再集荷亭疊前韻

重向荷亭選勝來，羣賢聚處好傳盃。
人因知己當筵醉，花爲多情特地開。
水色山光堪再賞，狂飈驟雨不須催。
風流仙令歡留客，直待斜陽並馬回。

符紘

紘貴溪人

訪投石巖徐幼白精舍

曾逢下山磬，云在此林間。
踏葉已無路，到門還幾灣。
巖高烟晚晚，秋淨野清閒。
披菊對君坐，霜容渾衆山。

夏顯煜

顯煜貴溪人

靈鷲

壯士衣冠在潺潺水一灣
何人收白骨過客指青山
鷲已千年老僧能幾箇
問洞天依舊好坐破石苔斑

江熙龍

熙龍貴溪人

騎龍山

古剎控江流烟光望外幽
客心緣佛靜僧夢與雲遊
撫景思黃鶴觀空羨白鷗
登臨須選勝帆影帶層樓

喻宗樞

宗樞字永年南昌人
康熙初官興化知縣捐貲開河
以避水患民號喻公河改安東
乞病歸卒著有

瞻淇齋詩集

漸嶺

春陰不散覺天低
石磴盤旋任馬蹄
到處野花迎面笑
盤情山鳥向人啼

羅秉琇

秉琇字仲毓
新建人
康熙初諸生
有拙齋集
視聽雜錄

寄友

亂後知心見面難
忽遺雙鯉到江干
天留徐孺辭三聘
世擬陳羣屈一官
家散久甘投廡下
客來無事話朝端
榆溪樹色今何似
乞取他年畫裏看

彭天華

天華字子載南昌人寧都籍康熙初諸生

秋日同黃西文王錦叔命三昆玉鎮龍臺感賦

客旅情懷總未開且尋秋色共登臺聞天海氣從東盡
嶺晴光向北來戰馬歸時空有路飛鴻散後最堪哀
莫話當年事取次黃花入酒杯

同鄭使君沽菴春泛桃花川上

十里桃花夾岸芳綠波相與濯滄浪會仙莫漫招彭祖
好客從來羨鄭莊枕石閒情消筆墨釀泉佳興託壺觴
幕天席地渾無著歸路催人是夕陽

龔木

木字東野南昌人康熙初諸生與八大山人友善
性好遊奇詭自喜善擊鼓每乘醉至人家坐中索
索鼓擊之音節悲壯盡意乃止諸貴人使之鼓卽
逸去著有讀書堂集

古塘雷壩

竹樹陰森古剎前半塘柳水自年年鐘聲夜半泣山鬼壩
上鍊丹人未眠

羅牧

牧字飯牛寧都人書畫得魏石床法康熙初寓居
南昌朱榮以已號牧仲作二牧說贈之

題畫

江西詩徵

卷六十八

國朝四

子

閱罷樓頭策馬歸人家雙掩夕陽扉自知不是忘機者敢
怪沙鷗見卽飛

臨池不解着思爲此幅居然類大卿望去千山秋色好閒
窻風雨樹相思

青峯兩岸畫天然中許沙鷗自在眠愛殺湖光明似鑑欲
支清俸買魚船

謝德宏

德宏字子實晚號龐舟叟南豐人文游子志意豪邁旣不遇遂以醫遊於世大將軍某延爲上客勸
之仕吟詩不答乃放還以詩人終時比之眞山民
著有龐舟集

殘菊

客中多感觸殘菊戀荒塘草木有佳節江山非故鄉誰能
同暮歲汝獨愛寒霜陶令難謀醉東籬冷自傷

登悠然樓

何須郊外覓林邱車馬喧闐境自幽鐘鼓聲傳無吏至風
帆影過有江流到床山色閒青眼入夢花香笑白頭不似
桃源迷故路武陵漁父得重遊

弔琴臺石

兩峯猶是昔年青南澗晴嵐舊畫屏老石尚餘流水調琴
樽共指勸雲亭蟲鳴斷砌呼山鬼雁唳冥天吊客星楚
已銷秦火滅一九冷月照秋螢

客福州觀獵

畋獵尊時政，聞聞畫角鳴。
射雕飛箭影，飲馬起江聲。
颯颯寒雲重，茫茫秋草平。
邊疆雄武地，安用一書生。

謝修振

修振字宜爾，南豐人。文游孫少以文章名海內，但
國馬齊尚書。徐乾學欲官之，邀遊海外數十年，不
返。著有寫心軒集。

馬蘭峪留別潘升也袁我存銘三諸友

十載歎羈栖，風霜老鬢絲。
一車馳絕塞，遙夜起離思。
天遠雁難到，途窮馬亦悲。
勞君頻折柳，悵我驛多岐。

謝修振

修擴字充之南豐人修振弟爲學最爲甘健齋所
許晚依山築小室名曰祖軒歌咏終老有祖軒詩
藁

讀大父哭封禹成先生詩步韻卽寄叔登

饑人待溝壑天地爲傷心丈夫思拯溺慷慨力難任山中
豈無酒獨坐不能斟

喜雨

我貧無一畝何事更愁晴疎圃餘新竹荒園種晚菁憑軒
看暮靄倚枕聽秋聲不獨田家喜還當慰遠征

江南葉桐初以詩見寄步韻答懷

同心未相見縹緲各難忘青眼看誰在白雲爲汝忙

桐初有白

雲江河孤棹短日月野吟長樂土歸知己男兒無異鄉

丙辰寇退

蒼莽家山百感生空留片石記昇平梧桐不待風搖落楊柳還因客送迎萬瓦炊烟消蔓草一溪流水遶荒城月明無復樓臺在只照人閒野哭聲

良籌夜坐

受業尋邱壑良籌絕巖居全身供釜甑餘力閱詩書淡月依寒樹疎星動草廬蒼生望安石何以慰區區

黃采

采字亮工號復堂南城人從程山講學著有性圖
願學錄聖學彙編會語詩文集

再同門人陶成登程山感賦

曾是當年一草廬重來舊跡半邱墟
衣冠空悵程門雪烽火猶存孔壁書
片石荒煙悲後死孤松夜雨泣先儒
徘徊不爲興亡事回首春風歎索居

鄒憲

憲字宗原號劬堂南豐人少從甘樵齋學
乙卯寇變爲賊所得以能書脫去旣以詩受知宋牧仲旋棄諸生遊吳楚閩越間歸里後不復出著有劬堂詩集

麻姑山

盤盤遵古徑曲曲引崇岡
天半聞流水崖空轉夕陽
雲華

宣寶唱瓊室耀明璫壇上七星冷風吹碧柰香

上苦竹小歇龍泉菴

客子催程急與人怨路難山空百慮遣寺冷一僧殘笻出
漸成竹泉流細作灘前途看暝色風起樹聲寒

閱武作

三千鐵騎出西城一夜西風落漢營問殺將軍惟射石只
今不用請長纓

江瑤

瑤字荀鑑南豐人十歲能文爲邵宏齋弟子著有
困學錄東園詩文集

遊良籌砦一路

出郭見青山秋光滿阡陌行人懷往路歎此澗邊石尚恍
漁家來招邀武陵客

張士裕

士裕字冲碧新城人少負大志究用世之學尤肆
力於詩古文爲易堂諸子所稱於所居種蕉數十
本學者稱蕉軒先生著有此寄軒詩草

秋日同諸友過暢園水亭

選勝得陶謝招提到赤溪空亭生古思叢樹入新題岫列
簷牙畫苔殘屐齒泥寒禽如喚客啼過夕陽西

暮春溪上

去城三五里便覺水雲寬世態靜中見高文塵外看村醪

香午杓園韭綠春盤不盡幽居事前村試釣竿

江西詩徵卷六十八

江西詩徵卷六十九

南城曾煥賓谷編輯

國朝

熊一瀾

一瀾字漢若南昌人康熙三年進士授編修尋擢御史直聲著中外官至工部尙書乞病歸卒著有浦雲堂詩文集

登小孤山次梁相國壁間原韻却寄

突兀疑填石荒唐紀斷鼇誰移華頂峭偏障海門高吳楚千帆月江湖五夜濤滔滔任來去一葉穩漁舫

同梅月川泛舟過北蘭寺

江西詩徵

卷六十九 國朝五

城闌三面浮須臾失高閣杳杳望香林磬聲煙際落

熊飛渭

飛渭字漁濱號損齋南昌人康熙三年進士官融縣知縣值滇逆構難孫延齡百計脅降不從攻城急融民擁之入山中事平罷官歸主豫章書院著有損齋文集

彭蠡阻風時久旱

朝朝彭蠡湖暮暮香爐峰臥厭一船月起聽何寺鐘茲山蓄雲雨布斂陰飛龍坐待秋江晚空饑山下農

夏以鋒

以鋒字抑公新建人康熙三年進士官中書舍人

工詩古文精醫術以父喪歸哀毀卒

滕王閣爲某中丞賦

古樹參差散晚霞斷雲低處見桑麻鯨波夜洗三千甲雁
影春歸十萬家高閣雨沉江浪濶秋屏山倚夕陽斜輕裘
按轡風俱靜暫駐遊旌白鼻騮

朝浮爽氣渡江西遠近千峯落檻低復道亭過飛鳥外捲
簾人與翠屏齊天迴贛水消樓櫓地控吳山靜鼓鼙無路
攀轅虛借寇春風歲歲草萋迷

萬任

任字亦尹新建人康熙六年進士官寧晉知縣落
職歸耽情著述巡撫宋犖甚推許之著有靜園詩

文集

夜泊石鐘山

湖濱對立却亭亭別有清音注水經此石端從天外落何
人解向月中聽春潮雪捲三巴白秋雨煙拖五老青鞵踏
船頭眠不得起將蘇記問山靈

吉州

城頭高望野雲閒盼得雲歸人未還章貢春濤浮鷺渚廬
陵秋色畫螺山舊家柱礎殘烽後新市漁樵落照間極目
風帆天際盡斗牛劍氣近鄉關

澹臺墓

高賢何馬鬣古或葬衣冠壁自沙江去蛟猶畏剽寒千秋

城幾戰七尺上仍完幾處麒麟塚誰能此並看

俟家池

夕佳樓外樹參差夜月忠魂獨自悲祇爲大平時節好等閒埋沒俟家池

龍科寶

科寶字子重永新人康熙八年舉人官上虞州縣著有龍溪合刻

梅溪洞

奇峯天半起十里變青蒼落葉無人境天花滿石床深遊
明晝火暑臥冷秋霜道骨余何有殘棋引興長

李振裕

振裕字維饒吉水人元鼎子康熙九年進士選庶
常歷官戶禮刑工四部尚書與張士書韓良等均
以儒臣備顧問原官致仕歸卒著有白石山房集
寄懷陳撫謙

兩地一爲別還山有敝廬三年知己夢萬里故人書多難
憐吾子幽憂倍愴余如何秋雨夜輾轉起長歎

結縞期千載論交非世情朔風吹大漠邊草動秋聲不盡
懷人意長歌望遠行揭謙有望
遠行見寄海陵兄弟好迢遞感平生

送錢子璧北遊便道歸松江

杜家詩句米家書秘笈窮搜萬卷餘入洛正逢驅馬過
江猶及鱸鱸初西崑體製君偏擅南部聲歌我下如握手

河橋重悵望殷勤爲語寄亭樗

兼懷董蒼水

送孫四易公孫八翁武遊粵東

嶺南花事好相送暫銜巵峽雨無朝暮春風有別離幾年
淮水夢千首薊門詩國雅君同調風流儼在茲

送談恕庵歸丹陽并寄令叔長益

草堂幾度爲君開騷雅於今尙未灰滿路煙花牽夢遠一
帆風雨打潮迴江天送客雲邊樹夜月懷人歷下臺却憶
當年登眺處何時尊酒共追陪

起潛上人重修隆慶寺詩以贈之

五百年來寺灰飛舍利空地經烽火後僧老亂離中碧瓦
餘殘照雲雲動曉風諒茅新塋幟不必說元豐

雪夜

草閣明寒夜荒邨不掩關巡檐驚白首卷幔失青山徵調
何時歇軍書此地閒撥醅煨芋火揮首有歡顏

十六日復雨

經年蹤迹類飛蓬獨樹花繁憶舊叢殘雪未消千嶂白深
燈重對一尊紅地非巫峽常多雨船泊瀧江好挂風敢戀
巖棲忘出處檐楹徙倚暮愁中

留別程穆倩

七十年來成大隱深山何地可藏名三間老屋容高枕四
海蒼黎未罷兵被酒繞牀扶柈子鈔書細字敵諸生旗亭
不忍輕言別夢入隋隄共月明

送魏子存觀察湖西

馬首向南征秋風吹去塵津亭遲候吏官舍冷詩人布粟
風移古湖山宦不貧廬陵遺跡在好爲訪先民
黽勉看新政蕭條託舊柯頻年經戰伐爲治尙絃歌官與
青山並詩兼黃葉多關情鄉國夢難得了翁過

送友南歸

日落鞭聲急離亭此唱歌人行黃葉路馬渡白溝河異地
交遊滿輕裝書卷多到家須及早溫清意如何

遣興

玉河流水碧潄浚朝罷歸來靜掩關舊雨久疎知我嬾新
詩未穩倩人刪覆檐喜趁鄰家樹繞屋巡行畫裏山適意

頓忘身是客，筆牀書枕自閒閒。

伯兄信至將修葺翰圃賦寄

先人遺構枕高岡，閱歷桑田感慨長。
疏鑿廢池應貯水，護持新筍待成行。
時平幸可營邱壑，亂定回思傍戰場。
小葺政煩兄學畫，何年把釣對滄浪。

感事

東南民力近如何，牘吏沿堤盡日呵。
天語疇咨憐赤縣，使臣辛苦閱黃河。
十年未罷宣房築，九列同興瓠子歌。
百萬錢刀填澤國，賈生三策孰爲多。

丙寅正朔

餘寒生澗雪，漠漠起春陰。
忽枉高人訊，堅余學道心。
江聲

來北固講席在東林修復吾徒事無令蔓草侵

舟發毘陵

高橋大舫擬排牙欲趁輕舠掠淺沙循分品題江左士倩
誰料理故園花忙中歲月曾何有悟後文章未到家最愛
新晴風日好萬竿修竹夕陽斜

惠山寺泉上

晴色生春草紅亭倚碧煙遊人多愛寺酒戶只論錢絕勝
中冷味真宜二月天風來動絃管纖月挂前川

寄題浥翠亭

層巒帶山郭一笠瞰郊坰樹杪湖光白雲邊石氣青人煙
生曉市客坐下秋星夢想南巢勝驅馳惜未經

趙北口

隘口喧闐九軌行
關冰凍合岸冰橫
連邨雜見魚鰕市
列戍閒無鼓角聲
一雁入波寒日晚
雙虹垂地遠天晴
灘沙漠漠蘆田遠
好景何人畫得成

登泰山六首

晨曦升扶桑
篋輿上山麓
盤旋輓轡轉面面
挹寒綠乍陟殊坦迤
漸進始詰曲迴環攢岡巒
旁裂嵌壑谷磴道萬仞餘
穿穴山背腹振衣五松間
仿像秦樹禿兩厓石氣青
潏聲激林木巉巖頓奇絕
拾級愈蹙縮徐登天門開
浩蕩極遠目乃知重山卑
拱衛若臣僕雲海何茫然
佇立神俱肅危梯十八盤
疇昔輦道閒下有御帳巖
上有碑崔嵬遐哉

七十君峨峨封禪臺白雲起封中至今落巖隈空留金檢
書蟲篆消寒埃我

皇昔南幸萬騎東方來高步凌絕頂懸崖爲紆迴大書雲
封字鬱鬱生風雷小臣敬摠拜天漢方昭回

西岳昔經過仰睹削成勢巨靈劈雙峰蓮花現空際峭巖
梯登絕深崦日月閉仙人掩雲關勝情安得濟今者謁岱
宗搜奇志逾銳石齒齧雙履弱雲貯兩袂陽崖春暉暉陰
壑風翳翳羣峰堆衆皴濃淡埽螺髻磅礴橫東州溟島相
附麗長嘯巖谷應驚起白鶴唳超然物外遊俛仰人間世
元精鼓橐籥乾坤有端倪齊州九點煙滂沆環天池大鵬
搏羊角翼若高雲垂水擊三神山蓬瀛忽潛移衝波汨義

望躍出光離離風馬四馳驚羽蓋紛葳蕤羣真朝太清恍
惚鞭龍螭間披鳥跡書笑酌流霞卮

巔崖九霄上巖磔摩高穹旁倪日月觀兩翼張西東丈人
偃其前屏立滋益恭率其兒孫以次相追從遙山如疊
浪搖曳寒江中汶河辨一綫此外皆冥濛灝氣失邊際萬
里無終窮暇看山腰星光與暗竇通俯身接月斧何必騎
蒼龍宵分屋角動烈烈鳴天風

層霞絢束隅滄海波蕩潏日光燒曉雲天際千片喬春山
晴轉佳萬嶺廉角出輕嵐接煙旭烘染紆畫筆拍肩西望
秦撫掌南睇越寧知匹練飛但覺榮光溢何常崇朝雨風
景變蕭瑟山容若雕鏤萬狀不可必東風吹我歸失十聊

記一鐫屋紀歲年維時正人日

竹林寺

取徑尋樵牧沿流探泐樹深山鳥過鐘定野僧來接竹
通寒溜披雲坐古苔夕陽挂巖壁欲去更徘徊

膠萊雜詠

濰河東畔柘陰斜繞郭人煙幾百家溪鳥不知韓信壩漫
銜春色過寒沙

岱頂摩崖興未闌夢魂飛到二勞山迎仙峴底松風口得
埽名花便閉關

奉命勘荒畿輔感賦

上章敦牂歲如月當芳春于役燕趙間策馬行踐踐風塵

滿袍袴奔走及五旬所歷非一狀艱苦難具陳繪圖所不
及到處逢悲辛天行亦何酷使我涕霑巾

東南傷白波西北苦燠旱火雲燒碧天燿如九日爛黃塵
撲面來極目吁可憚縱欲焚巫尪詎能紓此難伊予飽天
祿束手徒浩歎安得凌青霄手自抉雲漢挂流灑遠空原
野溥浩瀚庶幾慰我民復得事耕爨

菟次掘已盡雀穀捕亦稀燕南千里地道殄民命微東風
二三月百卉揚芳菲感彼翳桑人盡室恒苦飢流亡滿道
路破屋生蚺蟻蒿目不忍觀攬轡情歔歔

短柳覆土垣炊煙冷荒縣驛館楚停驂馳驅來云倦蒸黎
實孔疚不飽藜與莧遮拜迎馬首鳩鵲無顏面餘生寄溝

壑跟踰手足戰余懷爲酸辛朝餐不忍嚥

州里固蕭颯村落尤荒涼曠野日空虛困匱無蓋藏賣牛
還鬻兒殯首歎牂羊堪憐弱齡女乞食大道旁豈不知禮
義飢餓情倉皇面黧兩足胼百結無衣裳

矜孀立老翁襤褸走村嫗飢寒不能耐却倚陌頭樹顧影
不自持前行每僵仆乞歸藜藿羹覲面那相顧昔時朱陳
村羊酒歡嫁娶今日聚道旁相視如陌路

西連井陘道北與醫閭接長路多野殍飢烏啄其脅敗屋
儼枯槎殘黎如病葉渾河一線來悲風爲颯沓中有凍餒
魂飢腸苦疲茶我馬亦已頽殘陽空蹀躞

恤荒載周禮祭肺古所諫二穀偶不登尙方撤鳧雁一從

幾輔災宮中罷歡宴吾

皇重民瘼齋心屢減膳咨儆日臨朝溫語出三殿寒沍曾
幾時佇待陽春轉

聖皇厘宵旰羣工宜戰慄獄訟關民生毋令紊法律徵斂
有科條毋令誅求亟豪家賤牛醴毋令驕且溢貧民易長
媮毋令陷盜賊數者一不平天災何由息敢告百有位敬
慎憂厥職

災沴雖流行補救藉

聖主詔下屢蠲租湛恩非小補大農頒玉粒僅筮出天庾
長吏絡繹來分給有部伍無使滋中飽長吏吾最汝盜胥
眾螟蟥官長大雀鼠汝曹慎奉行靈霽恩宜溥

寄懷宋旣庭廣文

虞山婁水不可作江南昔舊何寥落猶餘一叟獨歸然白
首揚雄甘寂寞江天雲霧稀晨星絳紗絲竹談遺經荷花
抱城三十里粉香紅豔流寒廳箋疏滿案軸盈架一叢書
帶沿牆青橋門諸生窺典型問奇每載雙玉餅撞鐘大小
無不鳴各飽名論如侯鯖顛毛重禿神逾清安用松根求
茯苓憶昔東南掌牛耳六朝山色朱闌裏星移物換曾幾
時官冷瓊寒盡如此我曾持節大江邊月俸能遺老鄭虔
如今可有蘇司業知向何人覓酒錢

禪室偶集

杜甫烏角巾劉惔塵尾柄聯裾叩禪扃何必示名姓斜街

一弓地域北水精淨爐香澹自疑石髮綠交映庭前秦客
花座上洛生詠微聞鐘魚聲間辨茶薜性雖非東林社俗
慮亦已屏相期贊公房軟語方未竟

寄答舅氏

舅長予生只十年中間離合總歡然長淮騎竹春燈夜南
浦飛鳶上已天堂構未謀空架屋俸錢頻寄不求田日來
書札渾難識除是虛空問老禪

偶慨

漸寒仍暖薄霜晨初試輕裘十月春小閣看山原不俗太
倉分米敢言貧眼中未可輸心語世上誰爲解事人一味
避喧成獨坐雨鳩啼耳最嫌頻

至夜

連朝暫爾脫朝簪
梧栢煨殘爐火深
倦對燈檠因病目
閒拋碁局怕機心
客中節序騰騰過
夢裏家山欸欸尋
暇日一尊親友共
莫教霜雪鬢邊侵

薊門覽古追和陳拾遺

樂生

我悲樂靈壽亞卿
擅用兵卽墨徒殺
傷何補燕昭城望
諸與昌國末路難
爲衡

燕太子

報仇虎狼國一語
賈禍深壯士去易
水筑裂聲如金我
嗤太子愚我悲太
子心

田光先生

老驥若驚馬此義識者稀從來與國事未有不猜疑所悲
秦庭血不濺田生衣

鄒衍

下士不知天乃以意智窺碣石鼓大言創語難爲垂咄者
堅白論妙不可理推

燈夕

芙蓉曾記一燈紅珠翠長檠未肯同少不如人何況老過
猶未免敢言功論詩遠逼黃初上開讌新從紫閣中最定
月華天宇靜素娥不受絳綃籠

雜體

獨坐幽香來石蘭發孤萼霜雪草木同紛紛盡搖落獨此
芳潔姿含英在幽壑春風揚光輝翩躚何自若豈無歲寒
時結根得所託

古鏡盤蒼龍晶瑩似秋月皎潔不自持塵沙日磨滅混沌
無所施妍媸復難別太虛在其中可以燭萬物自非拂拭
勤光輝何由發

焦桐何人製流落風塵間光彩盡磨滅金徽半凋殘指上
發清響四座如秋山其音散空谷萬壑生陰寒時來松風
下抱此不欲彈大雅無復作古調誰與傳

朝登玉泉山長望金臺道車馬自翩翩微逐無昏早秋風
變樹木陵陂盡枯槁萬物會蕭條榮華自不保歸來南軒

下憂懷莫能掃黃庭非真經紫芝豈仙草濁醪日一傾令
我顏色好再傾身體輕三傾常不老

三月桃花水行人爭渡河渡河覆舟楫汨沒將如何岸草
綠照人憂來扣舷歌閒坐獨垂釣得魚不在多豈無褰裳
意舉足皆風波

歸宗寺

今日識歸宗雲煙幾萬重山留千古色門盡六朝松瀑濺
晴來雪經翻定後鐘墨池遺跡在龍象若爲容

王愈擴

愈擴字若先廬陵人康熙九年進士積學工古文
與弟愈融齊名有瑞竹亭合稿

登就亭

游觀存簡易就地立孤亭野色城頭合江聲座上聽清尊
遲夜月遠火帶春星日日疎煙裏芳洲橘柚青
每下蕭江棹深懷接坐歡風聲常在竹草色半侵闌官冷
詩篇富民閒樂事寬江雲無定影醉裏幾回看

張祿圖

祿圖字次赤號星峒新昌人康熙九年進士著有
鏡春堂集

冬日遊宜梵歸途因訪橫岡諸蹟

盤輿忽作野遊招踏盡平蕪度板橋近水誰題紅葉字當
窗欲寄白雲謠摩挲古碣知興廢嘆息荒亭臥牧樵獨喜

山人如有約甌香欸欸話僧寮

徐春溶

春溶字澄萬臨川人康熙九年進士

文印峯

何年受秦封綰印遂纍纍下有遁甲書金字流玉髓乾坤
秘鴻文六丁舉不起夜夜摘星辰散作珠宮藥

程建章

建章字漢宮號鈍谷鄱陽人康熙十一年舉人任
都昌教諭秩滿遷陝西三水知縣以老疾辭歸著
有石壁山房滌硯齋諸集

弔故淮宮

芝城舊是藩封地宮闕差我維帶礪朱甍碧瓦聳青霄茅
土中分及苗裔當日遷封淮上來好賢設館綺筵開桂樹
山中招隱士兔園雪下賦雄才一朝燧燧連天起江北江
南皆戰壘宸居無復舊金門龍種安存昔朱邸金門朱邸
總落暉愁雲一片鎖宮闈琉璃瓦碎甍甍走玳瑁梁空燕
雀飛憶昔余生已遲暮依稀記得宮前樹只今芳草憶王
孫兔葵燕麥飄春露蒨野悲風響鐵戈漢宮夜雨灑銅駝
北邙金谷年年恨原上徒聞樵牧歌我來弔古訪遺蹟黃
狐冷嘯元猿泣蜀鵲去國已經年遯鶴還家竟何日今古
烽煙未肯休百年夏屋皆荒邱寶胄流離竟如此吾生飄
泊將焉求

次胡彥遠弔淮宮韻

苔深煙莽舊藩宮
桐葉曾分帶礪雄
鵲去幾年啼怨血
龍歸何處哭遺弓
青燐畫舞荒臺草
碧瓦春飄古殿風
淮桂不堪回首憶
夕陽渺渺數征鴻

程作舟

作舟字仙渡號希庵鄱陽人康熙十一年舉人官長垣知縣解組歸構別業於東湖之濱以翰墨自娛著有刪後詩焚後書閒書十五種歸田錄

臚支橋

燕支灘上西家舞
燕支井底南朝苦
此橋舊是蕭王宮
落花一片紅無主
洗盡鉛華水不流
鰲綃泣到幾時休
宮人

升平年年過禾黍西風白骨秋

熊士伯

士伯字西牧南昌人康熙十一年拔貢授南康府教授擢高陵知縣著有心喜堂集

揭俊伯招同鄭恭則曾翔遠遊菁園

最是江天迥凌虛望欲迷虹橋橫水北琴石冷城西買船魚蝦賤人煙烏雀低前賢吟嘯處寂寞斷雲悽

魯毓聖

毓聖字孕文號澹庵新城人康熙十一年歲貢官豐城訓導著有友竹居詩集

幽棲寺

嵯峨古寺倚巖棲一逕通幽過石溪鎖斷小橋橫暝色樵歌聲在水田西

劉凝

凝字二至南豐人康熙十六年歲貢授崇義訓導博覽羣籍尤精六書之學著有六書夬說文解字韻原諸書年九十餘卒

康熙十四年九月七日南豐陷明年十一月十八日又嘯聚數萬攻圍磐石等砦薄莽直抵西郭城下許鎮總運籌帷幄馮將軍奮力馳驅以寡待衆以逸待勞開門誘敵設奇取勝月夜酣戰聲撼天地豐民得以再生紀實二十韻

幅員驚拆裂村郭半蓬蒿山縣鄰閭界千家陷賊壕瘡痍
猶未起豺虎復羣嗥岌岌孤城困蕭蕭殺氣高積陰霾白
日蘇雨望丹旄推轂新遶遶雲臺舊節操烏蛇工布陣詩
酒疾揮毫整暇臨諸寇紛綸展六韜仲冬旬八夕遙聚百
千曹誘敵回郊壘堅師隱澤皋寒星飛羽鏑凍月照征袍
合陣看何速開關示不譟戰酣忘夜永兵寡出人豪賈勇
先聲奪遊魂後死號朔霜悲鼓角腥血染弓刀乘勝風牛
倏追奔月駟逃赤黎生肉骨巖砦醉春醪饒鼓齊歌凱旗
常特紀勞一身都是膽三畧更兼騷文武方周吉天家重
見褒

趙希微

江西詩徵

卷六十九

國朝五

六

希攸字龍山南豐人伯里孫康熙十七年副貢著
有白雲篇燕遊草瀧岡遊草聽春樓集

謁甘雲隱仙師墓

緊公生五季蟬蛻出煙霞劍履仍荒壠衣冠尙世家遙傳
餐白石何處覓丹砂俛仰寒山暮槐亭空月華

黎 騫

騫字子鴻號瀟雲清江人康熙十八年以拔貢召
試博學鴻詞授檢討與脩明史著有玉堂集

七夕作

燈掩香雲墜寶花龍膏照影月籠紗尊前便是明河路一
訪支機又歲華

徐人元

人元字資伯號巍峯都陽人康熙二十三年舉人
官山東昌樂知縣著有燕遊草

胡忠烈公祠

骨比蒼龍節已堅高皇應久識忠賢孤臣血化三年碧十
族霜飛六月天紙檄誰騰雲闕裏用英風紀異事荒祠人指斷橋
邊傷心城郭都非昔蘋藻何時薦几筵

龔起元

起元字善叔南昌人康熙二十三年歲貢官永寧
訓導精象緯之學著有渾天經緯儀字母切要南

麓詩文集

漸嶺思三章

戊子金王兵變婦女多死烈者亡室何氏亦死漸
河中感而賦之

嶺之上兮石峩峩氣龍從兮逼銀河若有人兮蔭松柏挽
高源兮濯枝柯登漸臺兮瞻輦道天孫招兮共鳴梭
嶺之下兮水急急流碧色兮與天一若有人兮採杜蘅上
沅湘兮緝芝室望九疑兮汎洞庭帝子降兮同鼓瑟
嶺之外兮天悠悠若有人兮御風遊思鳴梭兮情何極雲
錦裳兮爲誰織思鼓瑟兮意更深江峯青兮爲誰吟

清明日東湖散步

晴雨無憑欲老花
追尋油壁屬誰家
林浮慘綠藏村瓦
風

帶飛紅入漿牙數點青山煙外小一行歸鳥柳邊斜江城
久矣無寒食漸喜前溪酒可賒

岡前嶺道中

荷蓋行人漸漸稀野鳥得食認巢歸漁家不識天猶早柳
外雲低便掩扉

梅之珩

之珩字左白號月川南城人康熙二十四年進士
授編修與修三朝國史淵鑒類函等書官至詹事
府少詹事著有西清珥筆詩集一畝居文集

燕窩書懷

官舍百無事因之賦閒居雖乏山水緣觸景成蕭疎園磚

植佳卉滌甕養文魚階前人跡少青苔生雨餘芳蘭不當
門幸免過者鋤持此素心去朝上承明廬

過蘇山寺

停舟黃渡岸訪寺過山田佛火明初地鐘聲響梵天洗心
逢澗水豁目是松煙暫喜塵勞息僧房欲借眠

度黃竹嶺

望望疑無路行行復有山星分牛女度地接豫閩關瀹茗
逢僧出攀松見鶴還征途悲荏苒小憩得幽閒

從鄱湖望漢陽諸峯

矗立青冥最上層峰峰作勢與雲騰翻飛瀑影千崖動遠
挹湖光一鑑澄五老煙霞棲大隱六朝風雨伴高僧分明

別有通仙路竹杖芒屨愧未能

劉文正公祠

曾記前朝軼事多先生真不負巍科覆巢幾見存危卵落
口何能更挽戈九死莫移心匪石千秋有恨淚成河爲思
慷慨捐身口悲憤誰爲擊筑歌

芝城九日

天南嶺表斷鴻音行館蕭條旅思侵乍對繁花偏照眼時
聞落葉最驚心關山送別何年了節序催人不自任強欲
登高聊遣興水雲煙樹總沈沈

三谷

石磴銅陵罨畫中杖藜行過小橋東三重幽谷通華子五

江南詩徵

卷六十九

國朝五

五

字清詩憶謝公接翅飛禽偏貼水傍崖怪木易生風廩山
拳石平於掌晏坐看雲萬古空

寓黎水亦是園

一室秋光冷偏宜靜者居翛然逢二妙芳漪雪艇所事在三餘
放鶴知迎客籠鵝促寫書只愁歸剡棹風月半庭虛

長沙雜詠

東風昨日散繁華夢裏尋春似到家忽聽湘江中夜雨却
驚身在古長沙

且將杯酒放高歌消得空庭暮景過醉眼看山山亦醉泥
人最是晚愁多

璦字建玉號留畊新城人康熙二十四年進士授
檢討累至太常少卿遷右通政致仕歸主教豫章
書院學者稱西村先生著有侍直草粵遊草遂初
吟硯貽堂詩鈔

簫曲峯

匡廬抱絕秀簫曲並知名雁腋雲留影琴臺石隱聲星搖
千嶂動月湧萬山平靈鳥今何在天空夜籟鳴

盛際斯

際斯字成十號青崖武寧人康熙二十四年歲貢
官吉安教授

病中別吳東

少與塵光異垂老更迂濶遂罹箕子蹇又經二豎孽伏枕
獨沉吟誰復與伸雪子去天之涯我淚空哽咽霜色從西
來加我衰鬢白時危與老病兼并難爲別望子如長江波
濤幾時息

蔡秉公

秉公字去私號兩田南昌人康熙二十七年進士
官遂平知縣以廉介稱擢主事外轉台州知府嘗
平海寇蔡元亮釋無辜者二百七十人致仕歸卒
著有留餘草

忠孝祠送蔡靜子游浙江

湖頭攜酒月離離先哲鬚眉恍見之讀史幾人能論世登

堂長恨未同時冰霜鍊骨須吾輩風雅如君是我師惜別
莫攀河上柳澗江湖退問歸期

秋杪感懷並東展野

樹挾西風作意鳴年華似水壯心驚愁多漸覺書無味面
老翻憎鏡不情品菊吟蘭秋興逸持螯把酒夜談清相逢
佳士如君少阮籍何妨眼太明

山塘驛次壁間韻

攀條老泪墮天涯悵望雲端白鹿車山好幾疑身入畫日
斜遙指店爲家綠村桐樹垂黃實繞澗藤梢落紫花地僻
莫嫌迎送少眼前風景不須賒

次宋中丞秋日遊北蘭寺韻

雲壑透迤入方橋度鴈堂世情塵外遠客况淡中長踏閣
驚秋老看山得句蒼坐深羣籟寂花雨欲生涼

寓普賢寺邀八大山人小飲

薄暮招攜聽烏聲樓頭鐘鼓未須驚水雲坐我渾如夢鬢
髮催人太不情寫興久輸詩伯健低頭殊愧野翁清十年
踪跡衣塵滿此際相看眼倍明

讀郁彬士觀燈竹枝詞

良宵燈月豈無情才盡愁多句懶成獨有江南老詞客竹
枝高唱到天明

雲間才子日邊遊牢落風塵十數秋莫更搜腸歌郢曲曲
中春雪已盈頭

羅光忻

光忻字庚齋南昌人康熙二十九年舉人官丹陽教諭

遙和文玉公攝山千佛嶺坐月

丹崖蒼碧斷江天寒影清光淡欲連傍晚煙蘿都錯亂最高鐘磬自孤圓石依絕巘皆成佛月到空林總是禪不惜秋山自憔悴澄心無計慰流年

胡之瀚

之瀚字維嶽號對山峽江人康熙二十九年舉人官廬陵教諭

玉筍懷古

玉笥峰高仙所居登臨不盡意何如避秦人去空丹井匡
漢官微有諫書洞口春歸花放後江天秋老月明初謾言
福地堪棲隱雞犬年年恨有餘

劉廷獻

廷獻字覲宸一字元叔南昌人康熙二十九年副
貢補教習有詩名與邵長蘅友善彭廷訓兄弟皆
師之著有青翰草

都門午日同人小集分韻

磁石投針劍躍津朋簪自爾盍風塵飯牛有骨終須貴屠
狗雖蒙未敢親芒屨已穿悲客路茅堂將構臥江濱風羈
雨笠如相訪掃榻頻呼賣酒鄰

閔汶

汶字文水鄆陽人康熙三十二年舉人官秀水知縣

芝山懷古

芝山橫北郭誰復采香芸樹冷鸞鳳響苔荒鳥雀羣仙踪
尋古洞詩塚弔雄文名勝今何在殘碑掛夕曛

朱雲映

雲映字奕瞻瑞金人康熙三十二年副貢官夷陵
知縣著有餘閒室詩文集

秋日遊龍珠寺次壁間韻

不到禪棲處寧知避地深葉封三徑履松老百年心客興

隨谿轉僧詩向壁尋雲堂仙梵寂寒翠滿空林
絕頂開雙眼蒼茫迥不同江流歸覺路松影落花宮野濶
秋雲淨天空去鳥窮人從木末出遺世欲乘風
積翠浮空出參天萬箇松清陰寒竹院高韻亂霜鐘葉瘦
蒼疑髮鱗多畫作龍長年留黛色環向寺門封

九日毓秀堂

搔頭吟望目難窮人在蒼然暮靄中天影下連秋水白雁
行分剪斷霞紅荒臺少發蕭蕭菊歌帽斜當淡淡風暗惜
流陰催短景年年休放酒杯空

熊非熊

非熊字燕西南昌人康熙中貢生有詩名著有餘

草

登金輪峯

天半凌虛絕所憑上方小住便如僧難容脚處須飛渡但
轉身時卽快登對面如同三載壁穿雲不借一枝藤此來
非爲浮圖影直取金輪最上乘

賈孚震

孚震字楓亭南昌人康熙中諸生

秀峯寺

蒼翠嶙峋插碧霄禪堂鐘磬自南朝山僧日飲聰明水避
客閒過招隱橋白雨半空龍宛宛青松滿院鶴蕭蕭此中
卽是維摩室一任天花向坐飄

朱軾

軾字若瞻號可亭高安人康熙三十三年進士授
編修歷官太子太傅文華殿大學士卒贈太傅諡
文端

贈毛心齋

峩峩鹿洞講堂開萬古精靈發越來

聖主崇儒垂切問

熙朝選牧必良才光風霽月君新領古檜蒼松地舊栽從
此洪鐘時一叩不教庭廡翳莓苔

陳廷桂

廷桂字資予號丹亭臨川人十歲能文康熙三十

三年進士官新寧知縣擢吏部主事尋卒於京有
萍草詩集世鏡五倫類編等書

秋日峴臺懷古

幾行沙雁起襄陽碧影橫空十里長靈谷天陰全釀雨雲
峯地冷自飛霜風前野鳥來秋浦世外遊人問草堂極目
江流渺無際一聲短笛下瀟湘

裴君宏

君宏字任遠號香坡新建人性聰慧年十二補諸
生康熙三十五年舉人補教習嘗遊學白鹿洞師
湯惕庵著有妙貫堂餘談敬止錄西江詩話

東湖懷古

東湖簫鼓憶當年柳色江潭倍黯然
雨相樓臺成宿草三橋歌舞散寒煙
湖魚味共松鱸美村杏花同鐵樹傳
洲上草堂原有賦高文誰續李王篇

裴應時

應時字春及新建人與季弟君穀相友愛歷試不第以詩自娛有抱膝堂稿

山齋秋雨寄懷周震夫

滴瀝連宵覺有情芭蕉葉上送秋聲
杜陵莫便傷今雨坡老何妨待曉晴
畫裏江城眸子遠窗前瀑布耳根清
遙思暮色東湖畔蘇圃徐亭有舊盟

桃花埭

霽雪滿四山春漲夜來起何處桃花源吾廬纔十里

邱嗽

嗽字公涉號水軒寧都人康熙三十五年副貢著
有水軒詩文集

八境臺雜興

百雉城高聳畫樓天風吹湧清雲流波光浩蕩魚龍窟野
色蒼茫鶴鶴秋長笛關山空有曲故園松菊不勝愁誰憐
羈客登臨日目斷歸帆一葉浮

登臨到處放身閒倦鳥孤飛竟不還皂帽龍頭曾蹈海錦
囊驢背慣看山可能供奉詩稱聖空說叅軍語是蠻細草
芳榛臺下路幾年蕭瑟在江關

李鳳翥

鳳翥建昌人康熙三十六年進士官工部侍郎

過峽江

銅雀臺荒鄴水邊長教天塹鎖寒煙土人廟祀周公瑾只說巴邱作鎮年

和雨鷺濤雙峽起侵嵐雉堞半山分城東十七洞天內長憶南朝蕭子雲

鄒圖雲

圖雲字挹青號挽波南城人康熙三十六年進士授大竹知縣擢禮部主事轉御史以言事落職戍邊卒著有春秋辨疑一草堂集

登從姑山

結侶三日前放舟雙江口擬上從姑山更載麻姑酒杖我
短竹筇登高一翹首白雲嶺上多山僧如舊友好句和鐘
磬雄文逼星斗閱歷成古今寂寞誰能久薄暮倦將歸新
月上江柳

早發新城道

策蹇新城道雞鳴起度關曙光澹北斗霽景湛東山遠樹
朝煙亂高峯積雪頑天然圖畫裏蒼翠有無間

登煙雨樓寄懷范邑侯

潏潏南湖水中流擁小洲暮寒煙鎖樹新霽客登樓北地
連吳越南天近斗牛懷人今夜月桐葉報新秋

送荆山姪歸廣昌白水鎮

漫將長鋏向人彈，海鶴雲鴻到處寬。
子有舊廬環碧水，歸家重整釣魚竿。

歐陽齊

齊字東一，號認亭，廬陵人。康熙三十六年進士，選庶常，乞假歸。主白鹿洞書院，遂不復仕。著有經義稿。

化成巖

先賢遊宦地，勝致足冥搜。
松色龍鱗古，泉聲鶴夢秋。
雙崖開夾岸，一水帶中洲。
試問平泉石，今曾幾片留。

涂尙璠

尚璠字魯玉號東崖新城人康熙二十六年拔貢
補教習授知縣需次歸里卒著有柳汁居草

偶成

且隱茅廬三兩間肯忘塵土爲林巒洞中徑小雲根老窗
外峯奇瀑布寒猶有橋能通酒肆更栽竹可作魚竿樓頭
檢點書千卷抱膝長吟當考槃

謝重拔

重拔號柳渡瑞金人康熙三十七年拔貢官東鄉
教諭著有持世書鴻雪吟秋水集

游澈林

飛錫何年到此間白雲嶺半結禪關流來一水同琴韻收

得諸峯伴佛閒茶竈濤聲留客話松窗花發點山顏已公
茅屋真堪咏欲臥林邱不忍還

曾 鏌

鏌字篁村南城人康熙三十八年舉人精易學善
談名理所至傾座書法尤擅名著有慕萊吟有定
吟聞遊草南岳遊草諸集

遊靈谷登倚雲亭

亭迴山迴瀾浮雲自往還小橋橫絕澗幽鳥下層闌石磴
泉初瀉秋林葉漸刪天然圖畫裏曲徑別開顏

洞音洞

龔曠誰能振遙空一磬傳松濤來絕頂花雨灑諸天萬籟

何曾寂三生詎有緣登舟還岸幘長牖洞門前

客平西同人登數山亭限韻

秋容慘淡旅人情試逐閒雲取次行萬里晴霞燒暮色千
村落木暉寒聲天涯舊約誰車笠海內貧交幾弟兄鄉思
不堪王粲賦獨憑鼓角耐孤城

管天申

天申字昭受廣豐人康熙三十八年舉人官懷遠
知縣有清節乞病歸構別館於北里顏曰休園

張叔夜葬衣冠墓

萬峯迴合此嶙峋天馬沙隄迴出塵祇道嶽神生仲甫誰
知湘水葬靈均北轅風雨蛟龍泣南國文章草木春後死

文山疊山在忍教靈鷲付沈淪

鄧山高

由高字念之南豐人有詩名以諸生遊公卿閒號
東湖釣者時巡撫裴公稔度罷官號南浦老漁
江陶成號北蘭主人武進憚鶴生號西山樵者人
稱豫章四叟著有青壁山房稿

百丈嶺

微雨洗晨光村煙莽迴互肩輿伊軋行蒼茫穿竹樹曲折
坡下谿崎嶇壁上路俄頃雙睛迷恍驚雲端步去天或一
握暫向茅亭住我生慕遠遊苦乏濟勝具焉得宿霧開畢
覽峯峰趣

鄧墳遠

墳遠字開先號蝶庵南城人性嗜書兼通百家詩
文最爲高士奇所賞嘗置別館曰秋水園又於麻
姑山創小有山房桂叢館生平足跡罕至城市

初冬步陸圃玉遊從姑山韻

西北起浮雲奄忽歲欲暮遊子悵言歸驅車出岐路從來
仗劍行不敢辭朝露人散曲已終江山自回互咫尺桃花
源千年無問渡彌望一水間茫茫隔煙霧

鄧封遠

封遠字辟疆南城人

頻伽園夜坐感興

八月涼風吹空庭響落木寒月下東臯素影橫虛谷久坐
寂無喧微露濕秋服先人遺敝廬殘編契幽獨緬懷古貞
心青松挺謾謾翹首望麻姑無言意已告

鄧雯

雯原名霖字動楫南城人康熙中以大興籍授蓬萊丞陞知縣著有卽我廬集

靜庵貧居詩

雀羅門巷晝陰垂老去風情漸不支三徑菊中元亮酒百
花潭上杜陵詩未知消長頻觀易莫較輸贏懶下碁癡絕
平生甘俗棄惟餘清暇與時宜

聞曦

曦字首章號易莊南城人祖天祥以雲夢令死難
聞其事於制撫祀鄉賢竟爲鄉人所阻遊山西卒
於遂

初秋訪潘函觀前輩商訂邑乘

鄉城衣帶隔越絕遂三年爲訪逃名客同吟秋水篇浮生
看變幻閱世總雲煙何似邱園好棲遲任醉眠

述作真難問流傳未可期卽今成信史何處覓殘詩

宋黃成性

余中行皆南城人而志乘不載

文獻嗟寥落風騷孰主持惟公心獨苦一

字亦吾師

孫之鳳

之鳳字羽伯號菊齋新淦人少尙志節康熙間從

施閏章講學鷺洲遂絕意進取著有有竹居詩集
玉筍山

摩埃事業付山溪到處昂然鶴在鷄澗水自鳴僧屋外山
光常擁畫樓西操觚日日名心盡彈指聲聲客夢悵三十
五年來往熟此中何處覓丹梯

彭廷佐

廷佐字枚望南昌人著有樹蘭堂集

贈宋荔裳觀察

鴻業由來紹廣平梅花綵筆擅西京江山盡入青雲眼風
雨能飛白雪聲北闕自勞推轂意東山同繫賜環情卽今
雙屐登臨處牛斗時看紫氣明

送蔣謂公還虞山

燕子雙雙引客船，離愁不盡話纏綿。
蓮舟唱冷前溪月，蕉葉杯傳午夜天。
共擬放懷吟白雪，不妨狂嘯破蒼煙。
石頭城外頻催棹，江鳥江花漾夕妍。

周道興

道興字自西號璞庵鄱陽人康熙中歲貢授訓導
未及任卒著有璞庵遺集

芝山登高

九月九日登崇邱，止水風高萬古留。
山外夕陽生雨脚，浦邊帆影出城頭。
寥天去鴈題紅葉，高樹棲鴉亂素秋。
王范遺詩空在壁，月明遙夜送江流。

廖泰漢

泰漢字鴻音龍南人康熙中諸生

金盆山

林巒逼象緯高空折飛磴峯影撐孤圓落日有清蔭須臾
暝色來萬山蒼秋磬

浮杯庵

天湧精藍小作邱虛疑地脈此中浮一蟬乍歇剛亭午萬
木齊飛已暮秋山轉松橋雲抹路波搖龕火水明樓十年
舊有披簑約辜負空江煙雨舟

龔步瀛

步瀛字海瞻進賢人康熙中諸生著有珠水集龔

草

同友人游白狐嶺因宿問香樓

家住平原絕勝游登高偶喜趁清秋因尋舊約雙攜屐爲
覓新詩一上樓把菊自憐秋在手看山人愛月當頭五更
鐘磬渾閒事臥聽天風入澗流

九日同饒日午楊巨先飲楊夕若宅時林宏基未與
有詩見訊次韻奉荅

南郭秋深景倍賒興酣乘醉過君家到門已覺人千里覓
句誰曾手八叉九日心情題雁字十年蹤跡踏龍沙共憐
榻里祠邊約又復參差負菊花

徐成芳

江西詩徵

卷六十九

國朝五

三

成滂字襄能龍南人康熙中諸生

宿臥雲山寺

一宿臥雲寺天心如玉壺山空諸籟靜僧定一燈孤坐久
涼生竹秋高月在梧何因逃障海終此課南無

鄧逢年

逢年字介田南豐人

西岱山

一卷無地上突兀鏡中天撥霧高懸眼涵虛小寄禪何來
鐘磬雜到處水雲連最喜飛丹閣迎流儼畫船

金潭看月

共是團團月相看分外幽寒應憐皓魄光已付清流龍女

粧偏晚鮫人淚未收年年潭水上照徹古今愁

干建邦

建邦字淑掌星子人康熙三十九年進士官舞陽知縣值邑大疫甫下車未及請卽發倉賑飢民德之旋以憂歸嘗主白鹿書院著有鹿洞續言及湖山堂集

青蓮寺

斜渡溪橋一剎懸行人笑指是青天同來攬秀無今古到底巢雲有後先盟誓幾經穿石骨風流恰喜裊爐烟徘徊勝蹟歸然在感慨徒生落照前

陳廷泰

廷泰字魯占星子人康熙中諸生

層城

廬山飛瀑布倒瀉入斜川曲折一溪水清涼五月天撫松
招舊鶴踞石擬飛僊縱目層城上流連未肯還

江西詩徵卷六十九